



Den 25. Maj 2020

UPA2020/28-2

**Inuussutissarsiutigalugu aalisarnikkut angallateeqqanik kvoteqartussanik minnerpaaffiliinissami takissuseq 9 meter aallaavigalugu pitsaaqutinik ajoqutinillu nassuiaateqaqqullugit ukiuni 12 ikaarsaariarfeqartillugit Naalakkersuisut nalunaarusioqqullugit peqquneqarnissaanik Inatsisartut aalajangiiffigisassaattut siunnersuut.**

(Inatsisartunut ilaasortaq Henrik Fleischer, Siumut)

Inatsisartunut ilaasortaq Henrik Fleischer Siumut, siunnersuuteqarpoq inuussutissarsiutigalugu aalisarnikkut angallateeqqanik kvoteqartussanik minnerpaaffiliinissamik takissuseq 9.mtr aallaavigalugu pitsaaqutit ajoqutaasinnaasunillu nassuiaammik saqqummiussaqaqqullugit tamannalu oqaaseqarfigissavarput.

Inuussutissarsiutigalugu aalisarnikkut angallatit ilaatigut 9 mtr tikillugu minnerpaaffiliinissamik tunngaveqartussamik misissuinissamik siunnerfeqarneq qanoq sunniuteqarsinnaanersoq, ilaatigullu massakkut killiffiusoq aammalu 6.mtr qulallugu pisassiiffiusoq qanoq ingerlaqqissava, tamannalu soorunami arlalitsigut pitsaaquteqarsinnaallunilu ajoquteqarsinnaasoq takusinnaavarput.

Siullermik taamatut aaqqiisoqassappat tassalu pisassiissutitaqanngitsumik 9.mtr tikillugu angissusilimmik aaqqiisoqassappat aalisartunut pitsaanerusement atugassaqarfiusinnaasoq takusinnaavarput.

Tassami umiatsiaqqat mikisunnguit ilaatigut issittumi atorneqartut oqquiffissaqanngitsut aalisarnermi atorneqartartut oqquiffissaqalissapput aalisartumut peqqinnarnerusement.

Aammalu timimut nukissornermullu atortorissaarnerulerpata inuulluarnarnerulissapput, ilaatigullu aamma aalisarnerup iluani atortut pitsaanerulernissaat anguneqarsinnaalluni, tassami tamanna aamma anguniartuartariaqarput, imminut akilersinnaanerusement aalisarnermi atortoqarnissaq aalisartumut pingaaruteqarluinnarmat.

Aalisarnermi pisassiisarneq 6.mtr qulallugu ullumikkut atortoq taava qanoq sunnerneqassava? ilaatigummi kalluagassat pisassaqarnermut tunngasut nutaamik nalilersortariaqalissapput, ilaatigut pisassaateqareersunut sunniuteqarsinnaasumik, tassami pisassanik nutaanik suminngaaniit pissappat tamakkua ilanngullugit nalilersugassanngussapput. Tassami 9.mtr tikillugu pisassiiffiunngitsumik aalisartoqalissappat pisisinnaasat usigisinnaasallu annertuumik qaffattussaapput tamassumalu kingunerissavaa pisassat amerlanersut pisisarinerneqarnissaat.



partii naleraq

Aammalu ilaatigut ukiut aqqaneq marluk tikillugit ikaarsaarfeqarsinnaanerit ilanngullugit misissorneqassasut kissaatigineqarput taava tassani qanoq iliortoqassava? Ukiut aqqaneq marluk allannguinnissat utaqqineqassappat imaluunniit ukiut tallimat.

Nutaamik aallartinniartut taava ilaatigut ukiut aqqaneq marluk utaqqissappat? Aammalu pisassaateqareersunik pisassanik nutaanik tiguisoqassava? Taava aningaasalersunissamut tunngasut qanoq aqqinneqassappat? Tapissutit amerlanerulissappat? Imaluunniit ikinnerulissappat? Sorpassuit kalluarneqartussaapput massakkullu siunnerfigineqalereerluni aalisartut ikilisarneqassasut.

Soorunami aalisartut ikilisarneqarnissaat anguniagaalereersoq takoreerlugu aammalu aalisartut avannaamiut inuusuttut mattussaareersut pisassaqaannginnertik pillugu nutaamik aqqissuussinissamik kissaateqarneq suli taakkununga ernumanarnerusumik kinguneqassasoq takusinnaavarput.

Aalisarnermut ataatsimiititaliarsuaq massakkut sulivoq taavalu marloqiusamik sulineq aamma massakkut aallartinneqassaaq, massakkummi oqaatigineqarmat siunissami sinerissami aalisartut ikilisarneqassasut, pisassakinnerusullu piarneqartariaqartut ,tamaattumik taamatumik siunnerfilimmik sulisoqareersoq taava una siunnersuut sumut atussavarput.

Tassami ukiakkut inatsisartut ataatsimiinnissaat sioqqullugu nalunaarusiaq naammassineqassappat sukkaoorujussuarmik sulisoqartariaqassaaq, qaammatillu pingasut iluanni ilimangilaq naammassillugu suliarineqarsinnaassasoq, kalluagassami annertuujupput, kattuffiit, aalisartullu tamarmik kalluarneqartussaammata, ukiamut naammasserissappat pitsaasumik suliarineqarsinnaanera qularnarpoq.

Taamatut oqaaseqarluta siunnersuut itigartipparput,

Hans Enoksen

Partii Naleraq